

俗諺	台羅拼音	解釋	例句
無彼號尻川，想欲食彼號瀉藥。	Bô hit-lō kha-tshng, siūnn-beh tsiah hit-lō sià-ioh.	比喻一個人自不量力。	伊竟然講伊羽毛球會當拍贏戴資穎，真正是無彼號尻川，想欲食彼號瀉藥，陷眠較緊啦！
囡仔人尻川三斗火	Gin-á-lâng kha-tshng sann tau hué.	比喻小孩比較不怕寒冷。	你真正是囡仔人尻川三斗火，也會歎風也會炊糲，我佇這寒甲冷吱吱起畏寒，你煞咧褪腹裼颺電風。
十喙九尻川	Tsap tshui káu kha-tshng.	比喻人多意見紛歧。	人濟話就濟，三色人講五色話，十喙九尻川，意見傷濟，逐家烏白花，就毋知你咧講啥貨。
喙食，予尻川坐數。	Tshui tsiah, hōo kha-tshng tshē-siàu.	比喻貪圖眼前的快樂，必遭後殃。	你就要趁少年較骨力拍拚，抑無喙食，予尻川坐數，等到食老時，你就知艱苦。
家己做醫生，尻川爛一爿。	Ka-kī tsò i-sing, kha-tshng nuā tsi't-pîng.	有喙講別人，煞無喙講家己。	你佇外口苦勸人要做善事，家己煞為非慘做，真正是家己做醫生，尻川爛一爿。
鳥喙牛尻川，仙趁嘛袂賸。	Tsiáu-tshui gû-kha-tshng, sián thàn mā bē tshun.	入不敷出，再怎麼努力去工作，也不會有餘財。	若親像你按呢三不五時就想欲換手機仔，鳥喙牛尻川，仙趁嘛袂賸，擱趁較濟錢，嘛無夠你開。
尻川挾火金姑	Kha-tshng giap hué-kim-koo.	裝蒜	物件就是你提的，莫佇遐尻川挾火金姑，佯生啦！
產婆摸尻川	Sán-pō bong kha-tshng	外行	對你來講，修理汽車根本是產婆摸尻川，你完全袂曉，我看你也是去請教專業的師傅。
好頭好面爛尻川	Hó-thâu hó-bîn nuā-kha-tshng.	看似人模人樣，其實不然。	你莫看伊逐工捐錢做善事，其實伊是好頭好面爛尻川，做足濟失德的代誌。

尻川後罵皇帝	Kha-tshng āu mē hōng-tè	意指不敢面對事主，背後批評、咒罵他人是毫無意義的，只是背後發泄私自消氣而已。	伊干焦會佇尻川後罵皇帝，其實佇頭家面頭前連放一个屁嘛毋敢。
屎攪尻川才欲放	Sái tsinn kha-tshng tsiah beh pàng	臨時抱佛腳	平常時叫你讀冊無欲讀，這馬欲考試矣，才開始準備，真正是屎攪尻川才欲放，袂赴矣！